

永樂大典

卷八〇二四 成字

卷八〇八九 城字

卷八〇九〇 城字

卷八七八二 僧字

永樂大典卷之八千二十四

十九庚

成

詩文

廣成頌廣成頌者漢南郡太守馬融之所作也是時鄧太后臨朝隲兄弟輔政而俗儒世士以謂文德可興武功宜廢遂寢蒐

狩之禮息戰陳之法改猾賊從橫乘此無備融乃感激以為文武之道聖賢不墜五才之用無或可廢元初二年上廣成頌以諷諫云臣聞孔子

曰奢則不遜儉則固奢儉之中以禮為界是以蟋蟀山樞之人並刺國君諷以大康馳驅之節夫樂而不荒憂而不困先王所以平和府藏願養精

神致之無疆故憂擊鳴球載於虞謨吉日車攻序於周詩聖主賢君以增盛美豈徒為奢淫而已哉伏見元年己未遭值危運陛下戒懼災異躬自

菲薄荒棄禁苑廢弛樂懸勤憂潛思十有餘年以過禮數重以皇太后體唐堯親九族為睦之德陛下履有虞烝烝之孝外舍諸家每有憂疾聖恩普勞遣使交錯稀有曠絕時時寧息又無以自娛樂殆非所以逢迎大和裨助萬福也臣愚以為雖尚頗有蝗蟲今年五月以來雨露時澍祥應將

至方涉冬節農事間隙宜幸廣成覽原隰觀宿麥收藏因講武校獵使寮
庶百姓復觀羽旄之美聞鍾鼓之音歡嬉喜樂鼓舞疆畔以迎和氣招致
休慶小臣螻蟻不勝區區職在書籍謹依舊文重述蒐狩之義作頌一篇
并封上淺陋鄙薄不足觀者臣聞昔命師於鞬橐偃伯於靈臺或人嘉而
稱焉彼固未職夫雷霆之為天常金革之作昏明也自黃炎之前傳道周
記三五以來越可略聞且區區之鄭郊猶廓七十里之園盛春秋之苗詩
詠國草樂奏騶虞是以大漢之初基也宅茲天邑總風雨之會交陰陽之
和揆厥靈囿營于南郊徒觀其埆場區宇恢胎曠蕩藹曩勿罔寒路鬱沈
聘望千里天與地莽於是周陸環濱右臂三塗左概嵩嶽面擬衡陰箕背
王屋浸以波漾黃以榮洛金山石林朕起乎其中峨峨嶺嶺錯錯唯唯隆
穹槃回峴峴錯錯崔神泉側出丹水涅池怪石浮磬耀煨于其陬其土毛則
擁收薦草芳茹甘荼芘其芸菹昌本深蒲芝茹莖莖菓荷芋渠柱荏菹葵
格非蒞于其植物則玄林包竹簪陵蔽京珍林嘉樹達木叢生梧栢栢栢
柞柳楓楊豐彤對蔚奎額揅典翕習春風含津吐榮鋪于布護唯扈艱榮
惡可殫形至于陽月陰慝害作百草畢落林衡戒田焚萊柞木然後舉夫
網頓八絃擎歛元藪之動物環橐四海之飛征鳩之乎茲園之中山救雲

移。群鳴膠膠。酈駭諒謹于野。聽聳離朱目眩。隸首策亂。陳子籌昏。於時營
圍恢廓。充斥川谷。軍置羅罟。猶綸阮澤。臯牢陵山。校隊案部。前後有屯。甲
乙相伍。戊己為堅。衆與乃以。吉月之陽。朔登于疏鑊之金路。六驥之玄
龍。建雄虹之旌。夏揭鳴鳶之脩。撞曳長庚之飛鬣。載日月之大常。樓招搖
與玄戈。注枉矢於天狼。羽毛紛其彰馳。揚金受而抱玉璫。屯田車於平原。
播司徒於高岡。旃槍摻其如沐。錯五色以摘光。清氛埃。掃野場。誓六師。搜
雋良。司徒勒卒。司馬平行。車攻馬同。教達戒通。伐咎鼓。撞華鍾。獵徒縱。赴
椿業。徽嬪霍奔。別驚分奔。騷擾幸皇。往來交舛。紛紛回回。南北東西。風行
雲轉。勾磔隱勾。黃塵勃湧。闇若霧昏。日月為之籠光。列宿為之翳昧。僕佼
課才。勁勇程氣。狗馬角逐。鷹鷂競驚。驍騎旁佐。輕車橫厲。相與陸梁。幸皇
于中原。胡猓踈鏃。特眉脰完。羝搗介解。散毛族。拊羽群。然後衆鉞電激。流
矢雨墜。各指所質。不期俱殲。鼠伏扔輪。發作梧韓。投及狂擊。頭陷顛碎。獸
不得豚禽。不得臂。或夷由來。珠顛頰頓質。螻蟬蟬充。衝塞隧。葩華并布。
不可勝計。若夫驚獸殺蟲。倨牙黔口。大旬哨後。緼巡歐紆。負隅依阻。莫敢
嬰禦。乃使鄭叔晉婦之徒。朕孤剗刺。裸袒冒楸。拓搯棘枳。窮浚谷底。幽
暴斥虎。搏狂兕。獄鬻熊。祛封飾。或輕諂。越悍瘦。疏婁領犯。歷嵩巒。陵喬松。

後脩補躡超枝杪探端尾蒼雉持玄援木產盡寓屬單罕周合部置弋同
曲類行竄驅星布麗屬曹伍相保各有分司增婆飛流滅羅絡縹遊雉群
驚晨鳧羣作聲然雲起雲爾乃藐觀高蹈改乘回轅沂恢方撫馮夷策句
芒超荒忽出重陽厲雲漢橫天潢導鬼區徑神場詔靈保召方相驅厲疫
走域祥指周兩拂游光柳天狗縹墳羊然後緩節舒容裴回安步降集波
簾川衝澤虞矢魚陳畧茲飛宿沙田開古蟲輦終葵揚關斧判重氷撥螫
戶測潛鱗踵介族逆狼湍瀨濟薄汾撓淹滅潭淵左挈夔龍右提蛟鼉春
獻工鮪夏薦鼈鼉於是流覽偏照彈變極態上下究竟山谷蕭條原野嶮
嶮上無飛鳥下無走獸虞人植旂獵者効具車弊田罷旋入禁園棲遲乎
昭明之觀休息乎高光之榭以臨乎宏池鎮以瑤臺純以金堤樹以蒲柳
被以綠莎廣養沆漑錯紵禁委天地虹洞固無端倪大明生東月朔西陲
乃命壺涿驅水蠶遂罔螭滅短狐籍鯨鯢然後方餘皇連舫舟張雲帆施
蜺情靡颺風陵迅流發擢歌縱水謳淫魚出著蔡浮湘靈下漢女游水禽
鴻鵠鳶鵞鷺鷥鵠鷓鴣鷺鷥鴈鷺鷥乃安斯寢戢翮其涯魴鱖鰣鰪鯉
鱗魃樂我純德勝踊相隨維靈沼之白鳥孟津之躍魚方斯蔑矣然猶詠
歌於伶蕭載陳於方策豈不哀哉於是宗廟既享庖厨既充車徒既簡器

械既攻。然後擺牲班禽於賜犒功群師疊伍。伯校千重。山巒常滿。房祖無
空。酒正案隊。膳夫巡行。清醪車湊。燔炙騎將。鼓駭舉爵。鐘鳴既觴。若乃陽
阿哀雙之晉制。闡龍華羽之南音。所以洞蕩勾臆。發明耳目。䟽越蘊情。駭
惘底伏。鎗鎗鏘鏘。奏于農郊大路之衢。與百姓樂之。是以明德曜乎中夏。
威靈暢乎四荒。東鄰浮巨海而入享。西旅越葱嶺而來王。南徼因九譯而
致貢。朔狄屬象胥而來同。蓋安不忘危。治不忘亂。道在乎茲。斯固帝王之
所以曜神武而折遐衝者也。方今大漢收功於道德之林。致平於仁義之
淵。忽蒐狩之禮闕。禁虞之佃閑昧。不觀日月之光。聾昏不聞雷霆之震。于
今十二年為日久矣。亦方將刊禁臺之秘藏。發天府之官常。由質要之太
業。率典刑之舊章。采清源嘉岐陽。登俊傑命賢良。舉淹滯拔幽荒。察滛侈
之華譽。顧介特之實功。聘畎畝之群雅。宗重淵之潛龍。乃儲精山藪。歷思
河澤。目覽鼎俎。耳聽康衢。營傳說於胥靡。求伊尹於庖厨。索膠鬲於魚鹽。
聽竇威於大車。俾之昌言而宏議。軼越三家。馳騁五常。悉覽休祥。總括群
瑞。連棲鳳凰於高梧。宿麒麟於西園。納焦僥之珍羽。受王母之白環。永道
遙乎宇內。與二儀乎無疆。貳造化於后土。參神施於昊乾。超特達而無儔。
煥龜龜而無原。豐十億之子孫。歷萬載而永延。禮樂既闋。北轅反旆。至自新

城皆伊闕又洛京宋李忠定公集議責成狀。臣竊以廢嚴實之政捨大任之法而欲事功之成雖堯舜有所不能故唐虞之際三載考績三考黜陟幽明以縣治水至於九載績用弗成然後竄殛加焉此所以允釐百工而廢績咸熙也今以州縣之間任一官效一職者數改易之猶不足以為治況於朝廷之上艱難多故之秋而欲收功於旬月之間哉以靖康一歲中考之宰相易者七人自知樞密院事至簽書樞密院易者二十餘人宣撫制置使副易者十五人進退將帥大臣未有如是之速者是以措置施設議論取捨人各不同先後舛逆首尾衝突紛然無所適從至其甚也大臣莫肯任事而坐觀勝負者攘臂於其間反為得策故其禍變不可勝道且以今人觀之自用兵以來其謀議任用之人亦嘗有所改易否乎所謂黏罕幹離不者皆握兵十餘年其威信足以用其衆而吾驟建亞罷之將帥大臣當之宜乎不能取勝也譬猶奕者置棋不定不足以勝敵況於用人不知信任之道而欲撥亂反正以捍大患以圖中興豈可得哉伏望陛下於選任將帥大臣之際精加考擇得其人則久任而責成功勿為細故之所搖勿為小人之所間則天下之事庶乎可為也元李庭實集故尚州安撫使成公墓表 孝莫大於顯親此前哲之格言也蓋人子有不幸

不能終養其親而於既歿之後。據親之功。實行義懇求當世立言之士。發揚論撰。著之金石。傳於後世。使不與草木俱腐。以自慰其疇昔養親不足之心。亦可尚也已。長安成氏子。幼從子遊。年甫其冠而喪其父。自痛生之晚。而親沒之亟。不獲伸於終養之志。故然哀經之中。拳拳求子文以表其墓。柩之再三而請益堅。為之銘曰。火辰暉輝。金祚終中。原鹿走兵。叢叢公乘。其時起萬蓬。手提長劍。隨元戎。指麾萬騎。疾於風剪。除強梗。蘇疲瘡。捷書飛報。遠九里。玉麟剖符。酬雋功。犯人一夕憂。天崩。菁土莫障。洪流東。運開朔野。飛真龍。四方豪傑如雲從。老鵬垂翅。倦搏空。一枝甘與鷦鷯同。人以富貴災。厥躬知止。不殆孰如公。年登八秩。資用充奉。祀有子續其宗。天之報施亦已豐。樂遊原。西卜幽宮。高墳前直。終南峯。鐫詩翠琰。傳無窮。陳氏家塾。輦隅子獻欽璫微論。天生萬業。為茲人用。紛紜交蔓。將焉救之。有條有綱。統宗會元。故作文成篇。輦隅子曰。文成而道存。道存而事煥。事協而功易。有不由於此者。猶捨舟而渡淵。其能濟乎。嗚呼。順道而不順人者。少矣。順人而不順道者。衆矣。輦隅子曰。弗人斯人之行也。邈邈而心遠。臨利而忘親。膚恩而腹怨。或問成人輦隅子對曰。脩爾三至。宗爾五反。曰何謂三至。曰。惠不在大。以赴人之急為至。言不在勝。以破特之惑為至。行

不在元以鎮時之俗焉至。何謂五反。曰時未過則反之於命。衆未尊則反之於德。俗未附則反之於信。名未光則反之於道。功未著則反之於力。或者譽人於子曰。彼之道不其至歟。聲隅子復之曰。吾昔臨於溪澗沼沚。見其泉清源泚。欲狎而玩之。及臨乎江河淮漢。見其巨浪滔天。則慄然有畏之之色。至於弗至。則吾弗知之矣。或問子貢之辨與蘇張為孰愈。聲隅子對曰。義存魯國。則子貢之力也。治利六王。則蘇張之術已。辨與不辨。則吾弗知之矣。聲隅子曰。女不耻其身之不正。而耻其色之不偶。士不耻其才之不充。而耻其祿之不厚。亦不思之甚矣。聲隅子曰。君子之於己也。薄矣。其於人也厚矣。小人之於藝也。廉矣。其於人詳矣。聲隅子曰。猛虎不傷其類。而傷其非類。誇者不陶於自己。而聞於他人也。聲隅子曰。君子哉。報德不報怨。先蹙而後親。先危而後安。或問堯舜之壽。考生民之壽。考耳。又曰。漢之黨錮。曰非人。實黨錮而生之。自錮也。嗚呼。囚道德。械忠信。適足以殄絕。不亦悲乎。聲隅子曰。秦漢而下。才不必於朝廷。道不謀於草野。此生民所以未乂也。聲隅子曰。大偽若真。大邪若正。大私若公。大害若利。聖人不啓人以爲賊。而奸人迹聖人。以爲賊。聲隅子曰。生不能仁。人死。不遇明主。亦士之恥也。或問出處之道。聲隅子曰。民不富。士不榮。君不勝。國不壯。勃

然而耻者三代之人焉飽於道醉於德冠於仁履於義覃然而宅善者五
帝之人也非五帝之人靜而三王之人躁蓋君子之時行矣聲隅子曰堯
舜不以天下量其位而以天下量其德桀紂不以天下量其德而以天下
量其欲或曰有金張之貴玉石之富守之以理義何如曰可也宋若榮道
以貴而貴足尚知道以富則富有餘唐杜工部詩漫成詩三首野日荒荒白
春流泯泯清渚蒲隨地有村逕逐門成只作披衣憤常從漉酒生眼邊無
俗物多病也身輕江臯已仲春花下復清晨仰面貪看鳥回頭錯應人
讀書難字過對酒滿壺頻近識哦唱老知余懶是真江月去人只數尺

風燈照夜欲三更沙頭宿鷺聯拳靜船尾跳魚撥刺鳴岑參詩鳳翔府行
軍送程君赴成州程侯新出守好日發行軍拜命時人羨能官聖主聞

江樓黑塞雨山郭冷秋雲竹馬諸童子朝朝待使君錢起詩偶成詩含

臺意不淺微月上簾櫳門靜吏人息心閑困園空繁星入踈樹驚鵲倦秋

風始覺牽卑劇宵眠亦在公李商隱詩漫成詩不妨何范盡詩家未解

當年重物華速把龍山千里雪將來擬並洛陽花沈約憐何遜延年毀

謝莊清新俱有得名譽底相傷霧夕詠芙蓉渠何郎得意初此時誰最賞

沈范兩尚書沈宋裁辭矜變律王楊落筆得良朋當時自謂宗師妙今

日唯觀對屬能。李杜操持事略齊。三才萬象總端倪。集僊殿與金鑾殿。可是蒼蠅惑曙雞。生兒古有孫征虜。嫁女今無王右軍。借問琴書終一

世何如。旗蓋仰三分。代北偏師。衙使節。關東裨將。建行臺。不妨常日饒

輕薄。且喜臨戎用草萊。郭令素心非黷武。韓公本意在和戎。兩都耆舊

偏垂淚。臨老中原見朔風。宋王安石臨川集詩。文成五利老紛紛。方丈

蓬萊但可聞。言方士之虛誕。神仙但可聞。不可見。萬里出師求寶馬。飄然

空有志凌雲。李斯傳。公子高上言。中庶之寶馬。臣得賜之。大宛之役。耗竭

中國最甚。公言武帝殺人之多。乃徒有欲仙之意。蓋識之也。神宗嘗曰。漢

武帝至不仁。以一馬之故。勞師萬里。侯者七十餘人。視人命如草芥。此天

下戶口。所以戒丰也。人命至重。天地之大德曰生。豈可如此。宋景文公集

偶成詩。不用具如鼠。胡瞻亦有鴉。田園未歸客。天地一時人。京邑風霜

苦。江鄉薇蕨春。可能逃鬼笑。長送左朱輪。漫成。日烈花休樹結陰。紅

牙貪得萬黃金。伯松不學陳遵飲。為識鴟夷是酒箴。詩海繪章。劉景文偶

成詩。每過楊子宅。時醉庾公樓。黃鵠雲霄志。白蘋江海流。讀書非世用

種樹是吾謀。自識文章貴。多尋滿酒侯。孔武仲詩。偶成。翦斷長翎入網

羅。十年光景恁蹉跎。欲提長劍為游說。且卧空山學揣摩。砧杵夜寒醒醉

此為快讀，需要完整PDF請訪問：www.tongbook.com

夢風霜秋緊後詩魔不須計校當時事黃卷書中寵辱多陳古靈詩和運
使兵部教成重湖收積淩多稼結盈疇貸息移書戒通租紫籍求民情
寬感頌歲計上叅謀寄語昆堂老生初早晚修夏文莊公集御製恭謝天
地禮成元真密誨唯疇德耀魄靈猷務降衷僊里肇裡尊妙道國陽嚴
配報層空百神右序儲蕃祉群后寅威仰聖風聲震山淵踰日際澤流
根葉徧區中考熙茂範登虞舜積累遙源屬帝鴻柔遠九垓書軌混凝休
千載地天通賡歌紫禁唐文威第頌青緇漢德融盛業巍巍心翼翼古今
能事集皇躬蘇穎濱集西成野老端相慶西成僅十分寒來多讓酒客

過預留饋近事姑求飽遠憂要浪聞一壺真有理終日得醺醺偶成

年來衰病正相兼薄宦奔馳尚未厭詩句空多渾漫興俗緣已重不須添

聲牙向物知難合疎懶憐公猶未嫌時聽淵明詠歸去猶應為我故遲淹

會聲元豐類集偶成結交謂無嫌忠告期有補直道詎非難盡言竟多

迂知者尚復然悠悠誰可語江湖前集鄭介夫謾成袖帽麻衣君勿輕

有如華衮貴難名人須自力方能立事若無誠斷不成倚物蔓條終嫩脆

冒霜寒栢始堅貞男兒一幅黃金骨莫學伊阿浪死生鄭俠西塘集漫成

琴雖古意元無取詩近虛名亦懶吟不是將心就無事都緣無事可關

心風送微涼來小戶月回清影向疎窻不知人世何珍麗可與詩書氣味
雙綦崇禮北海集漫成生平雅志在林溪故里塵昏未定接晚向瓊臺
諧問舍喜富淮塞罷鳴鞭出郊驥喜園亭勝策杖應須酒榼勢隨意一觴
兼一鉢醉言無次亦無題書述今古懶不讀樽列聖賢時一中顧我本
無當世志愛君具有古人風賜環忽恐歸期促放蓋常嗟樂事空山鹿野
麋便茂草鳳凰終合止梧桐劉龍雲先生集安成道中作六首故家楚尾
隣三湘粗有晴地麻與桑利機未判身輕嘗在涯寄將一葉上歸釣蘋尾
秋滄浪翠篠娟娟接暗蒼半隱半見誰門牆分曹戲兒戲鴈行今我垂
垂老景逼竹馬鳩車憐汝狂波面擲鱗銀作刀波裏陟鰲紛紛毛清秋
駛觸吳兒撥會待長風十萬里躍入雲海翻驚濤愚智紛紛同一朽翦
斷愁根莫如酒誰是孰齋不離手但令秋秫登我場不應他日羞牛後
新里富南義攪此一水中飛抹山帛吳歆楚但愁征客十年仍作嚙噬遊
羞拾靈棋問通塞酸然軟雨吹空濛忽掛萬丈橫霄虹陰晴回互倏翕
中由來天意不可測惜哉庶物終鞠窮張文潛詩偶成詩官事一酒甕
寢齋低竹簷朝昏睡過半老病醉相兼樓晚雙旗臬城昏疊鼓嚴隔江吹
笛處空碧貼新蟾鳥啼宮直散歸舍日猶長暗樹殘春綠回風欲雨涼

又知癡有絕端為酒成忙可是嘲須解平生一漫郎 綠遍長安樹春歸
空隔年愁多落花地情遠倚樓天河漢崑崙外蒼龍北極邊老知玄有味

羞更賦

神仙

成氏

千家姓成 商 上谷羅泌路史高辛氏紀成氏高辛氏之後
古今姓纂姓纂周文王第五子成叔之後子孫以國為氏後為

楚所滅于孫去邑為成成肅公桓公並為周卿士左傳楚大夫成得臣若
教叔也成大心成熊並其後也 左傳僖二十六年夔子不祀祝融楚成

得帥師滅夔定八年晉師將盟衛侯於專澤趙簡子曰群臣誰敢盟者成
何曰我能盟之成十三年劉廙公成肅公會晉侯伐秦文五年成大心帥

帥滅六姓氏述華廣陵上谷弘農姓苑周文王第三子封成為成伯成肅
公桓公入為周卿士 楚滅郢子孫去邑為氏 漢複姓十五氏 莊子

有務成 廣成 顏成子游 伯成子高 韓子有容成 列子有考成

晉卻犂食麥苦成 苦成叔 宋大夫老成方 盆成括仕齊 晉美

成僖子 漢古成雲廣漢太守 高祖功臣陽成延 後漢上成公白日

升天 晉車成將為戊己校尉古成氏後也史記有形成氏是為複姓

成得臣楚大夫子玉。僖二十三年傳。成大心帥師滅六文五年。成肅公會晉侯伐秦。成十三年。成睨。孟子。成封東漢儒林傳。十姓編周文。

王成叔之後漢南太守成瑨望書出上谷廣陵亦有郈姓同古今姓氏辨證出自羊姓楚若敖之孫令尹得臣字子玉以王父字為氏得臣生大心。字孫伯及子西子孔名嘉與孫伯皆為令尹其後成虎字熊為大夫裔孫散仕他國者周以為大夫成愆。秦成差。宋成謹。晉成何。成鱣是也。漢成雄居上谷縣。後周常山公。唐中書令。成汭五代有軍將成美。謹按春秋時周魯皆為成邑。當時大夫之食其邑者未必不以為氏。羊姓成氏。自王孫伯而下皆以名顯諸侯後嗣又乏人則王父字為氏在理不疑。而周大夫宜亦楚人之裔也。

成荆

史記范雎傳成荆勇焉而死。成荆古勇士。

成慶

西漢書廣川惠王傳殿門有成慶畫短衣大袴長劍。晉灼曰成慶荆軻也。衛人謂之慶卿。燕人謂之荆軻。師古曰成慶古之勇。

士也。事見淮南。

子非荆卿也。

成方

西漢書偽不疑傳夏陽人
姓成名方詐為衛太子

成信

史記酷吏傳王溫舒為河內大守郡中毋敢夜行野無犬吠之
盜天子聞之以為能遷為中尉其治復放河內徙諸名禍猾吏

與從事關中楊贛成信等

咸宣為右扶風生怨成信驕索

漢書意我曰成信宣吏信亡藏上林中

宣使郡令格殺信

成得臣

蘇子由古史陳世家十一年
楚成得臣伐我取焦夷城頓

成瑨

元一統志成瑨私農人以清名見知舉孝廉拜郎中遷漢南太
守舊多豪強中官盤牙境上瑨下專振威嚴以檢攝之漢桓帝

中官責人外親張子禁怙貴不法功曹岑
狂勸使捕之付獄笞殺之桓帝微瑨獄死

成翊世

元一統志成翊世字季明平原人為郡吏少好學深明道
術東漢延光中常侍樊豐帝乳母王聖共譖太子廢為濟

陰王翊世上書訟之又言王聖樊豐誣罔狀帝不從而豐等又陷以重罪
下獄當死有詔免官歸本郡及濟陰王立是以順帝司空張皓以翊世前

松太子之廢薦為議郎燭世自以其功不顯耻受任自勅歸三公比辟不應尚書虞翻雅重將引與共參朝政乃上書薦之徵為議郎後尚書允雄等侵奪為尚書在朝正色百僚敬之

成公英

東漢書成公英傳成公英者金城人。中平末隨韓遂謀議軍事建安中遂自華陰破走還湟中部黨散去惟英獨從

其婿閭行欲殺遂以降夜攻遂不克遂歎曰丈夫困厄禍起婚姻乎謂英曰今親戚離叛人眾轉少當從羌中西南詣蜀爾英曰舉事數十年今雖罷敗何有自棄巢窟而依人乎遂曰吾年老矣子欲何施英曰曹公不能遠來獨夏侯爾夏侯之眾不足以追我又不能久留且息肩於羌中以須其去招呼故人綏會羌胡猶可有為也遂從其言時眾尚數十人遂宿有恩於羌胡羌胡衛護之及夏侯淵還使閭行留後乃合羌胡數萬將攻行行欲走會遂死英降曹操見之甚喜以為軍師封列侯從行出獵有三鹿過前操命射之三發皆中應弦而斃操抵掌笑曰但韓文約可為盡節而孤獨不可乎英下馬跪曰不欺明公假使英主人在實不來也遂流涕哽噎操嘉其忠益親敬之魏黃初初河西復亂遣英佐涼州平隴右病卒